



Societas Iesv Amatrix, Cultrix, Imitatrix, Christi Crvcifixi

Sandaeus, Maximilianus

Antverpiae, 1647

105. Vitam suam Crucis virtuti, beneficioq[ue] acceptum fert; & idcirco
gratum se Crucifixo, de eâ scribendo, ac vim ejus prædicando exhibet,
Hieronymus de Higuera, Hisp.

Nutzungsbedingungen

[urn:nbn:de:hbz:466:1-55449](https://nbn-resolving.org/urn:nbn:de:hbz:466:1-55449)

V.

AMATOR CRVCIFIXI

*Vitam suam Crucis virtuti, beneficioq;
acceptum fert, & idcirco se gratum
Crucifixo, de eâ scribendo, ac vim
ejus prædicando exhibet.*

HIERONYMVS DE HIGVERA Hispanus in familiari cum amico congressu sæpe ita loqui erat solitus: Ego vitam, quâ fruor Sanctæ huic CRVCIS, (designabat Caravacensem) acceptam refero. Cum enim adolescens annum XVII. necdum explevissem in periculosam incidi ægritudinem, quam immoderata ejus ætatis studia, & exercitationes mihi pepererant, adeò, ut quadraginta dies febris continenter jactatus viribus deficerem, & graviora in posterum ab hæctico ardore etiam formidarem.

Ecce autem, nescio quo die, lectulo, propter debilitatem affixus defixi oculos in taperem parietibus in conclavi appensum, vidiq; intextam ei quandam CRVCIS Caravacensis figuram, quam obnixè petii à matre tum astante, capiti & pectori meo applicari, certam spem ingressus, fore, ut contactus ille mi-

105.
HIERONY-
MVS DE
HIGVERA
Hispanus.

hi esset salutaris. Nec spes fefellit. Nam statim atq; mater ex tenerâ pietate collachrymans CRUCEM partibus, quas expressi, appressit, vis morbi adeò remisit, ut intra quatuor aut quinque dies penitus me senserim convaluisse.

Quare, tam eximii beneficii memor, nunquam neglexi occasionem grati animi signa pro meo virili expromere, & DEVM pro tam insigni munere supplex venerari. Hic deinde diligenter investigavit omnia quæ ad CRUCIS CARAVACENSIS memoriam, venerationemque conferre possent, ut hanc animi gratitudinem demonstraret.

Ioannes Robles in historia de Cruce Caravacensi cap. 1.

VI.

AMATOR CRUCIFIXI

Spectaculo Crucifixi atro lecti velo, & mox revelati, feriâ sextâ hebdomada sanctioris inimicitias & simulates in civitate capitales feliciter tollit.

106.
BENEDI-
CTVS
PALMIVS
Italus.

MAMERTINA civitas communi gaudio, longè autem fama per omnem Siciliam celebravit, quod BENEDICTVS PALMIVS percelebris è Societate Concionator virtute CRUCIFIXI effecit Anno M. D. LII. Sebastianus erat Ansalonius ex familiâ opulentâ ac nobili,